

JUDASVA'EA OMOMBE'U AHE VE

Carta de Judas

¹ Ji ko Judasramo Tiago'ga reki'yramo. Jesus Cristo'ga remimbotarimova'ea rehe jate ji rekoi. Kiro ji ikwatijari imondovouka nhinhi'igã pe me. Tupana'ga pe mo'emo'ẽ ojive ãa po ti jireheva'ero oko javo. Tupana'ga pe arõ hete nhanderuvete'ga. Igwete Jesus Cristo'ga pe nderekokatui pe mbojikoguka ojihe. Pe me ji akwatija a'ero imondovouka nhinhi'igã pe me.

² Tupana'ga ti tapeporogwety hete. Tonoãatu hete ti ga pepy'a. Ga ti tapearõ hete pe nderekokatuavo nehẽ no.

Ahembo'ehara'ãa Tupana'ga nhi'igãatyviva'ea rehe

³ Nhiirũ, akwatija pota hete ji pe me oji'i novĩa. Amombe'u pota ji pe me nhandejikoga Cristo'ga rehe. Emo ji ndakwatijara'javi reki a'ea pe me. A'ereki ojipe'ãa oho pe pyri pe mbo'eavo jatyviva'ea rehe. Nurã ji ei jiyvyteri pe oji'i: “Akwatija po ji ojipea ãa pe hamo a'itituhẽva'ea mombe'gwovo hamo.”

A'ea ji akwatija kiro imondovouka pe me tapemombe'umbe'u aha ti ojipe'ãa pe jipi a'itituhẽva'ea Cristo'ga mombe'ua. Tupana'ga okwahavuka pa nhande ve Cristo'ga mombe'ua ikwehe jireheve'ãa ti tokwaha javo. ⁴ Emo pembo'eatyvive'ãa oko pepyteri pe kiro okote'varuhuve'ãa. Igwete ãa pe moandyandi. “Oromombe'u katu ore Cristo'ga,” ei ãa pe me o'mbero. Igwete ãa ei: “Xako te'varuhu ti. A'ereki Tupana'ga omomyry ahe ve jipi. Imomyryva ãwaramo po ti ga nombahyukari nhande ve nehẽ nhande rekote'varuhurame nehẽ,” e'i tehe ãa jipi. ãa ndokoi reki Jesus Cristo'ga rehe. Ga jate koi nhanderuvihavuhetero nhandepojykaharetero. Ymya Tupana'ga nhi'igã mombe'uharava'ea ikwatijari ãa mombe'unhoãwenondeavo hako. “Tupana'ga po ti ombahyuka okote'varuhuve'ãa pe nehẽ,” ei ahe ikwatija hako.

⁵ Pe pekwaha pa a'ea. Emo ji takwahavukara'ja pe me. Ymya nhandepojykaharete'ga israelitasva'ea rerothokatui Egitopeva'ea gwyrã

hugwi ahe mongovo hako. Emo ga aerẽ israelitasva'ea momanoi onhi'i'ĩa geroviare'yname hako.

⁶Oro yvagipeve'ĩa – kiroki ģa onhiroyrõ koji'i ore oroko pota huvihavamo javo – ģa ndopytai opohia gwuhava hugwi. A'ero Tupana'ga ģa mongi ģa noġa ypytunahivuhua pype ģa mombytavo avuirama Cristo'ga ti te'i ģa pe javo. “Ohoa'javame yvya koty po ti Cristo'ga ei ģa pe nehẽ: ‘Peko te'varuhu hete pe’,” ei Tupana'ga ģa mombe'gwovo.

⁷Oro cidadepeva'ea no, Sodomapeva'ea Gomorrapeva'ea ojipepeva'ea no – kiroki cidades ojopyjopyri u hako. Ahe ko akoja'ĩa javijitehe yvagipeve'ĩa. Hahy po ti ahe ve nehẽ no. A'ereki ahe ndoakwahavihu ojogwerekote'varuhuavo. Akwaimba'ero memenhuhũ ģa ojogwereko. A'ero Tupana'ga ahe mbokajukapavi cidades rehereheve hako. Tikwaha po nhande a'ero hamo. Tupana'ga po ti ombohahyuka okote'varuhuve'ĩa pe hahyva'ea ruvihava pype tata pype avuirama nehẽ.

⁸Ahe javijitehe ko akoja'ĩa pembo'eatyvive'ĩa. Oayvahi ko ģa mbatera okirame upa. “A'ea rehe ore ikwahahetei,” e'i tehe ģa. A'ero ģa nhimongote'varuhui ojogwerekote'varuhuavo. Nohendukatupotari ģa huvihava'ĩa nhi'ĩa. E'i te'varuhu ģa yvagipeve'ĩa pe. ⁹Miguel'ga ki a'e te – ga ko Tupana'gapyrive'ĩa nduvihavuhuro oko yvagi pe – ga nde'ite'varuhui Diabo'ga pe hako. Miguel'ga horame Moisésva'ea ra'oa rehe Diabo'ga ruri ga pyri javo. A'ero ģa jogwayvayvari ahera'oa rehe. Emo Miguel'ga nde'ite'varuhui Diabo'ga pe ereko te'varuhu hete nde jave'yma ga pe. Miguel'ga e'i reki ga pe: “Tupana'ga gwe ti te'i nderekote'varuhua pe imbohahyavouka nde ve nehẽ,” ei ga Diabo'ga pe hako.

¹⁰Pembo'eatyvive'ĩa ki a'e te e'i te'varuhu ġwembikwahavipyre'yma pe. Ģa ko mbiara'javuhuva'ea. A'ereki mbiara ndojapyakai ġwemimbotarimo okookovo. Nahanahã ģa ndekoi ġwemimbotarimova'ea rupi jate no. A'ero ģa nhimongote'varuhupavi. Nahã po ti ģa nhimondoi hahyva'ea ruvihava pype a'ero nehẽ pembo'eatyvive'ĩa.

¹¹Hahy tuhẽ po ti ģa pe nehẽ. A'ereki ģa oho Caimva'ea rupi okote'varuhuavo. Balaãova'ea javijitehe ko ģa jatyi oko itambere'ia potaruhuavo onhimbote'varuhuavo. Coréva'ea javijitehe ko ģa nohendupotari gwuvihava'ĩa nhi'ĩa. A'ero po ti Tupana'ga ģa mondoi ahe javijitehe hahyva'ea ruvihava pype nehẽ no pembo'eatyvive'ĩa.

¹²Jesus'gareheva'ero pe pehopeho i'gwovo ojopyri. A'ea rupirupi pe ei: “Xajapyakaa'ja ti Jesus'ga manoagwera rehe kiro,” pe'ji pe. Ite'varuhu hete a'ero pembo'eatyvive'ĩa hoi i'gwovo pe pyri. A'ereki ģa o'ua'u ojihe jate okovo. Ģa ko amana rovapitymyguhua ja no – kiroki nombuhuri amana. A'ereki yvytua gweroho imongyre'yma. A'ero po nhande ei jupe: “Hovapitymyguhu tehe a. Ndokyri.” A'ea ja ko pembo'eatyvive'ĩa ndekoi. E'ie'iteheuhu ģa. Emo ģa nomombyryvi ojipe'ĩa pe.

Pembo'eatyvive'ĩa ko yva javijitehe no i'ae'ỹva'ea. “I'a kiro i'ahava rupi,” xa'e nhande jupe novã. Emo ndi'ai reki. A'ea javijitehe ko

pembo'eatyvive'ğa. “Omombe'u katu ğa kiro mbatera,” xa'e nhande ğa pe novia. Emo ğa nomombe'ukatui reki. Yva ndi'ai. A'ero po nhande hekyi jypya reheve imombo. Omano hete reki yva a'ero. Pembo'eatyvive'ğa ko omanova'ea javijitehe a'ero. A'ereki tegwete ǵandekokatua. A'ero po ti Tupana'ga ğa mombori hahyva'ea ruvihava pype nehẽ.

¹³ Pembo'eatyvive'ğa ko typepemuhia javijitehe ypihua ruvihava rehe. Yvyruhua rurame typepemuhia imbotyui imombo ite'varuhuva'ea hembe'yva rehe. Na jitehe pembo'eatyvive'ğa imboukwahavi okote'varuhua onhinotie'yma. Ndipoyjayjare'ymuhii reki ğa novia.

Pembo'eatyvive'ğa ko jaytata'ia javijitehe – kiroki jaytata'ia ohoteheuhu. Nanongara ndohokatujuhu jipi. Nurã ahe ndojikogi hehe a'ea oho tehe javo jupe. Pembo'eatyvive'ğa na jitehe ndokokatui jipi. Nurã nhande ndiajikogi ğa ndehe. Tupana'ga gwereko pyptunahivuhua ğa pe topyta ti ğa a'ea pype avuirama javo.

¹⁴ Ojikwe Enoqueva'ea omombe'u pembo'eatyvive'ğa hako. Ahe ko Adãova'ea rymymino'ea hako. Adãova'ea jypy oko. Aerẽ Adãova'ea rymymino'ea ra'yrava'ea ko Cainãva'ea. Cainãva'ea rymymino'ea ra'yrava'ea ko Enoqueva'ea – kiroki ahe omombe'u nhoǵwenonde pembo'eatyvive'ğa hako.

“Nhandepojkaharete'ga po ti uhu nehẽ ojipyrive'ğa pavẽi yvagipeve'ğa pavẽi. He'yjuhu ranuhũ po ti gapyrive'ğa onhimongyavo nehẽ,” ei ahe.

¹⁵ “Uhu po ti ga javo vyakotyve'ğa pe nhaporemo nehẽ.

Okote'varuhuve'ğa pe po ti ga ei:

‘Peko te'varuhu pa pe,’ e po ti ga nehẽ,” ei ahe.

“Pe'e te'varuhu pe ji ve no pejikote'varuhuavo,’ e po ti ga ğa pe nhaporemo nehẽ,” ei Enoqueva'ea pembo'eatyvive'ğa mombe'unhoǵwenondeavo hako.

¹⁶ Pembo'eatyvive'ğa ko e'ie'iuhu onhiroyromo. Ġwemimbotaruhua rupi ko ğa ndekoi. Onhimboheteuhu ğa ja'javo ojipe'ğa pe. Ġa ombohete tehe ojipe'ğa no toko ti ğa kiro nhaneremimbotarimova'ea rehe javo.

Aheremimomoranduva

¹⁷ Nhiirũ, pejapyaka ti Jesus Cristo'ga moirũhara'ğa nhi'iǵagwera rehe. A'ereki ğa omombe'u nhoǵwenonde pembo'eatyvive'ğa ikwehe. ¹⁸ Igwete ğa ei pe me: “Aerẽ Cristo'ga rura'java renonde po ti ğa ndekoi pe pyri nehẽ. Igwete po ti ğa pe nderekomemui nehẽ,” ei Jesus'ga moirũhara'ğa. “Ġwemimbotaruhua rupi po ti ğa ndekote'varuhui nehẽ,” ei ğa pembo'eatyvive'ğa mombe'gwovo ikwehe. ¹⁹ Nanongara'ğa pe mbojipe'ape'a ojohugwi jipi. Ġwemimbotarimo ğa ndekoi. Tupana'ga ra'uva ndekoi ğa pyri.

²⁰ Pe ki a'e te pejiko Cristo'ga rehe. Cristo'ga mombe'ua ko pyry hete. Penhombojikojiko hete ti ga rehe a'ero. Penhi'ĩ ti Tupana'ga pe gara'uva popoakarimo. ²¹ Tupana'ga nhande arõ hete. Peko ti garemiarõa rehe a'ero. Pe'ji ti ojohupe: “Jesus Cristo'ga po ti nhande porogwety nehẽ. A'ero po ti ga nhande rerohoi ojipyri avuirama nehẽ,” pe'ji ti ojohupe.

²²Peporogwety ti ģa – kiroki ģa ndogweroviarhi Cristo'ga mombe'ukatua. ²³Jara'ģa oho hahyva'ea ruvihava viara rupi. Pe'ji ti ģa pe a'ero: “Peho ģwerĩ pe hahyva'ea ruvihava pype. Pepohi ti pejikote'varuhua hugwi pejikoga Cristo'ga rehe,” pe'ji ti ģa pe. Hendukaturame penhi'iģa po ti pe ģa mongoi Tupana'ga viara rupi nehẽ. Peporogwety ti jara'ģa no – kiroki ģa opotaruhu okote'varuhuavo. Ģa porogwetygame ti pejapyaka katu pejihe tapekoi ti ģandekote'varuhua rupi no, a'e ji pe me.

Timbohete ti Tupana'ga

²⁴Tupana'ga pe mbopopoaka tokote'varuhuyme ti ģa javo. Ga po ti pe nderohoukari ojipyri yvagi pe nehẽ no. Ndapekote'varuhua'javi'i'i po ti pe. A'ero po ti pe ndoryndoryhetero garuvihavuhuhetea pyri nehẽ.

²⁵Gaha jate ko Tupanetero nhanembopiro'yharamo. Timbohete ti ga a'ero Jesus Cristo'gareheva'ero ģwaramo nhandepojykaharete'gareheva'ero ģwaramo. A'ereki ga pyry hete nhanderuvihavuhuhetero. Ga ipopoaka hete huvihavuhuhetero jara'ģa hohe pa. Nahã ga rekoi ymya hako ga yvyã japoe'ymame. Kiromo jate ga rekoi no. Aerẽ ti ga na jitehe nehẽ no. Timbohete ti ga avuiraama a'ero nehẽ. Na tuhẽ. Amém.